

兩浙輶軒續錄

兩浙輶軒續錄卷五十目

汪行恭 高富年 黃以恭 王若濟 馮崧生

楊鴻元 屈傳銜 陶方琦 孫禮煜 沈懷芬

徐甲榮 薛葆元 褚成亮 馬彥森 吳有倫

蔡振龍 金葛銘 張程典 屈元熾 徐鳳清

沈椿年 李植紀 張炳璋 王祖薌 沈鏡煌

孫慶曾 朱定基 潘文濬 湯繩和 夏庚復

葉維幹 王蘭 袁鵬圖 胡壽昌 楊龍濟

錢鳳翰 姚同善 孫樹仁 曹大經 徐夢熊

褚瑞椿 朱福垂 潘友金 董沅 柳瀛選

袁謨 駱雲程 沈家晉 孫佶 陶炯

陶咎光 鍾壽潞 孫澄 裘曼星 張經鉏

黃福楸 葛金烜 洪家滋 劉鳳章 陳謨

倪鍾祥 樓觀 葛嗣滌 王定祥 陸以增

俞秉炎 凌和鈞 鍾乃彬 鍾鈺 王厚堃

周康保 蔡和霽 陳兆崙 周茂榕 范邦銓

王繼穀

兩浙輶軒續錄卷五十

督學使者潘衍桐訂

汪行恭

字仲行號子喬錢塘人光緒乙亥舉人官內閣中書

了立誠曰子喬廣交游善飲意興豪邁有不可一世之概精許氏學下筆無俗字說經專主康成著有景高密齋經說二卷

溧水姚公重修揚清祠紀事

湖山清氣溢里門篤生賢哲冰爲魂歷階台署斷炊火官廚
冷落俎豆溫二公一清產一里僕射專祠近尺咫祀昭忠
典未隆後請別建輝金紫蒞藻蘋繫三百年顧瞻廟貌思前
賢浙水偶然歷殘劫崇祠滅沒迷荒煙明公清舉播全越壺
玉一片寒徹骨思構新祠署舊顏春秋祀事恭趨謁履潔揚
廉易近名二公高節同一清照見霜情守茲土禮嚴舉廢已
千古

高富年

字月笙錢塘人光緒乙亥舉人著擁翠廬詩草

丁立誠曰月笙具夙慧年十二遊庠越四載領鄉薦成名綺歲豔稱一時尋以攻苦咯血卒

二十初度

光陰荏苒暗中移往事何堪憶幼時問字燈前宵課密

先大父常

親課觀星月底夜眠遲

先大父精天文富年幼時侍立月下嘗指授之

解詩深得重

闌寵索果頻邀大母慈未報烏私春已逝遺編欲檢淚先垂

閒居郭外絕囂塵斗室蕭條趣轉真每寫詩箋招舊雨擬尋

花事趁良辰心無俗累猶為福家有藏書不算貧慘綠相逢

年少客狂歌酬唱柳湖濱

黃以恭

字質庭定海人光緒乙亥舉人著愛經居集

府志以恭幼慧長好博覽雪鈔露纂稿積尺餘後從其伯父式三學益致力於經凡注疏訓詁靡不精熟乃更

為詩古文辭聘修廳志辭簡事賅督學張公謚卿極賞之著有尚書疏證二十卷詩學管見三十卷

慶厯五先生詠

王先生致

鄮東一名宿安飽非所求墮樵稚子拾遺秉老妻收以此爲
生計浩歌不知憂民事常在抱石隱豈其儔高行式鄉里遺
文炳斗牛鄞江清可挹廟貌至今留

楊先生適

任虞文章士當時豔春榮泊宋巨儒出偏以大隱成治經鄙
瑣碎悟道極高明仲淹負重望乃爲倒屣迎後來錢與鮑推
薦力相爭誰云盛名下坎壈終其生

杜先生醇

慈水多鴻儒石臺實先導經史百家書一一探其奧耕釣供
親膳非以鳴高蹈學行宜爲師荆公何傾倒澹無勢利情令

人息浮躁千秋大名垂君子惟慥慥

樓先生郁

正議徙城南教澤浩無岸造就多英才豐袁乃其冠家藏萬
卷書手鈔幾居半此外鈔長物屢空亦泮奐與人化町畦將
道爲輸灌貽燕及孫曾嫡派歸學案

王先生說

鄞江有高弟名與先生齊胸抱千秋想躬耕尙一犁窮廬風
雨夜相對子偕妻竭力興鄉塾愚蒙賴耳提薰陶遍閭里宸
翰曜棖題曠世懷芳躅桃源路不迷

王若濟

字萬里號秋舫餘杭人光緒
乙亥順天舉人卽補知縣

許淮祥曰秋舫性慷慨好讀經濟書熟諳水利兼精岐
黃應手輒起就丁文誠公之招襄辦山東河工以勞保

知縣

尋卒

踏青

煙花無恙年年好芳草天涯著色青蠟屐一雙蹤欲寄尋春閒步短長亭

馮崧生

字聽濤號陶廬仁和人光緒丙子進士官翰林院檢討

緝雅堂詩話聽濤好讀史傳慕東漢人物能詩工畫入翰林數年竟爾摧折堂有老友尤可哀也

吳門懷古

自作吳門客春愁觸緒來登城試遙望襟抱一爲開湖水浸空碧靈巖曛紫苔蒼茫雲樹裏振袂獨徘徊

莫雅嘯不住落日照吳閭劒氣虎邱白桐陰金井黃英雄累兒女感慨說君王茂苑長洲在當年遊獵場

行行步幽屨薄莫落花飛芳草碧三徑吳山青四圍江流千古恨春色五湖歸寄語吹簫客功成早見幾

我羨神仙尉飄然甘隱淪姓名變門卒嘯傲絕風塵葦菜動鄉思江湖多散人後來高蹈者長與保天真

楊鴻元

字臚伯號澹泉仁和人光緒丙子進士江蘇候補知府著四素居集

客中讀杜詩有感

往歲讀杜詩口讀心未知今日讀杜詩讀之雙淚垂雖有百艱苦不若長別離雖有百熙愉何如歸家時回首曠曩昔家人相追隨親老幸承歡膝下常戲嬉同懷姊與弟俯視妻若兒味淡情彌永朝夕祇熙熙當時不自覺境往成相思干戈苦未戢骨肉各分馳寤時常太息夢寐或見之我心旣如此家鄉當其悲告友友同病語僕僕近癡把卷獨流連披吟神不疲凡我胷中境先在古人辭一字一滴淚誠哉不我欺

屈傳銜

字品陞號冰卿平湖人光緒丙子進士陝西郎用知縣

縣志傳街少孤事母孝筆耕以供甘旨文思敏捷斐然可觀

題俞松坪蘭坪同懷詩稿

伯氏吹壘仲氏簾池塘春草繫相思傳家長物青氈在梨棗

重編一卷詩

千竿野竹自成村幾處留題牘墨痕寥落田園烽火後不堪

重憶翠微軒

陶方琦

字子珍號蘭當良翰子會稽人光緒丙子進士官翰林院編修著撰廬詩稿

譚獻傳略子珍澹雅綜羣籍篤好淮南書治經究心鄭康成氏文章絕麗下筆滔滔如泉性尤服善諷其失觀遷改既上第退然斂學如初愛友明山水悠然有千古之想視學日勤求賢雋惟日不足銳于著書橐艸十餘種往往與理未竟年甫四十齋志以終已刻淮南許注昇同詁許君年表而已孫德祖曰子珍于舉社齒最少其于學尤銳進天假之年平津左海不難抗手中道告徂志業未竟曾不解蒼蒼者生此才又何意也

陶潛宣曰先兄童年卽有志述造年十六避寇深山蔭足重嶺尙攜書吟諷不輟喜爲駢麗之文初宗徐庾上追任沈好子雲之沈思有蔚宗之遠致詩雅嗜李溫討濶元白其後微變清言雋永漸近自然詞宗北宋情辭兼稱尤勝于詩所著有洪廬駢體文鈔四卷洪廬詩八卷蘭當詞四卷三十以後屏棄詞章潛心經術更博精小學著有周易鄭氏學十種今才尙書集說魯詩故訓纂公羊春秋集釋大戴禮補註爾雅漢注詁義五經異義通箋說文通釋讀說文記淮南參正淮南許注異同詁淮南許注存疑商周金文辭彙韻字林補輯許君年表讀子札記讀史札記漢學室文集湘輶筆錄惜盛年中殂其書多未卒業今按輯叢殘未完之稿統編寫爲漢學室遺書先兄美風儀寡言笑讀書目數行下尤工書喜畫蘭竹下筆雋秀人爭寶之

謁賈太傅祠

賈傳新祠卽舊型石牀蒼翠井苔青新書幸自成梁國前席終難動漢廷千古文章宗左氏幾閒樓閣對湘靈前來一勾南宗水不使三閭歎獨醒

許竹簣侍講

景澄

約余與樊雲門

增祥

游煙雨樓夜飲

杉青牖而返

畫舫青簾款俊游

竹簣新制船日小總宜

參差煙雨舊時樓談經說劍

平生事相照南湖尙黑頭

小池亭館極幽閒細蘚疏花未忍刪仍是西湖舊游屐來看
煙水不看山

雲門自夷陵以詩相訊依韻答之

邇來風致日蕭疏還憶禾城判襖初料理吳縣秋作客消磨
官燭夜讐書有時曬篋留花腊何處看山假筍輿欲擬盪雲
好胸次恐余牢落總難如

題畫梅爲從弟芑田作

縉粉疎香浣俗埃槎枒風骨破寒來莫因高格無人賞只向
空山老此材

寄家仲彝兄

在銘

鄂北

琴劍飄蕭百感并
西陵迢遞暮雲橫
地當夔峽詩應壯
身過龍沙氣自平
萬里關山胡蝶夢
一鐙風雨雁鴻聲
彭城同是紛飄泊
欲破愁城仗酒兵

夜宿驩河

闇然一室類槃阿
鐙火通宵萬慮多
破曉人閒動雷雨
安心夢裏走關河
奇香蟠錦何容祕
飛劍全鋒不敢磨
長住深山食春筍
不知滄海近如何

秋夕

秋夕生遠涼
雨氣傍燈落
零風戛虛帷
沈星睨高閣
含愁耿不寐
始苦衣裳薄
倦念同心人
簾前益淒索

有所思

瑤階生秋卉，豔萼非陽春。寂寂珠簾下，含愁有玉人。金鑪熏素夕，錦箏動朱塵。蘅皋日未暮，相念詎相親。

雨夕和心雲來韻

海上雨初至，人間高處寒。大江流汐水，一雁入雲端。萬籟諸方靜，天涯此夕難。鄉心千萬轉，多少付回瀾。

湘陰夜泊

空江羃夜氣，微暉望如昔。羅城燈有無，遠塔上雲迹。淼淼湘江水深烟，釣寒夕愁心在天涯。彌衿思詎釋。

夜泊茨灘

亂石飛瀧擁上游，風聲日夜盪谿洲。雲閒波浪連三鳳，世上功名等一鷗。欲濟艱難恃舟楫，猶扶忠信涉蠻流。燈前東下羅衣水，咫尺靈湫起怒虬。

沅州使院七夕

烏鵲南飛香茝洲綺寮河漢迴寒流沅江不隔且蘭水

地理志沅

水出故且蘭小顏註且音直

風露偏成此夕秋天上玉繩低楚塞酒邊銀

燭傍吳鉤熏香理扇多情思那用蠻榼寫別愁

閔行守風

桑葦搖寒江歸帆行若駛客夢不還家有如此潮水日居家
衙樂未知羈旅難君看衝風行更比舟中寒

遊吼山同仲修作

犬亭東中勝兩宕劇渟峙清遊無雜鳥舊景搜新喜摩厓筱
潭邃鏟石蘿烟起雲房薦山茗松籟落清徵遙望怪石撐人
工謝天使驟聞鐘魚聲倦羽颯然止

望射的峰時方讀寄龕文賦此卻寄

年年不到樵風徑來看仙人射的峰春色已淡蒼翠合午暉
無定白雲封文章儻免山靈忌泉石應留我輩蹤臥讀登嵩
壯遊記颺颺巖吹落高松

冬孟同彥清及勉師廉未子宜心雲宿開元講院

初月曜禪林霜昊氣森肅良逖盛翕合笑語溫信宿西風吹
飛藿吾道乃松竹歲星亙東南天馬先西北

時彥清將入都

明時敷

芳芬盛年富膏沐豈無歲莫感得懽意已足文雅有餘新江
湖多近局燈火嬾永宵陳迹念瓶粥萬物蟄重陰華采幸淡
蓄努力爭髮期晨鐘聞豈獨

寄懷彥清中州時將有金陵之役

莫謂天涯遠而令問訊疎易成三載別難得一行書愛我容
兄事論文感索居莫雲千里合鵬眼倦應舒

嵩少名山勝君今杖策游紀程詩卷富磨字古崖秋風月梁園美關河越客愁垂虹秋色好我亦旅人儔

孫禮煜

字濯仙錢塘人光緒丙子舉人官永嘉教諭

擬顏延年五君詠

集選

阮公雖淪跡智勇冠當代忝此欽賢性常慕先達概留滯感遺萌放神青雲外濁酒聊自適高眎邈四海

步兵

中散不偶世千載有雄名振衣聊躑躅樽酒若平生獨有延年術深茲眷言情纓綬爲徽纆所思不可淪

中散

劉伶善閉關胸中去機巧中山不知醉歡娛寫懷抱縱意之所如理足未嘗少弗覩朱顏改卓然凌風矯

參軍

仲容青雲器前修以自勸欲辨已忘言神惑因物作吉士懷貞心達人知止足卑位代躬耕悟物思遠託

始平

向秀甘淡泊索居易永久右拍洪崖肩左挹浮邱袖令名患
不劭意氣深自負亶亶元思清悠悠百世後

常侍

沈懷芬

字親仁號清臣平湖人光緒丙子舉人

干巷

烽火一朝靖荒涼滿目存斜陽枯樹杪殘雪壞牆根獨犬吠
窮巷疲牛歸遠村消寒無別計有酒且盈樽

題扇

屋下流泉屋外山山前喬木更迴環畫餘再著閒中筆添上
遙峯翠一灣

徐甲榮

字子青鄞人光緒丙子舉人

對月

天邊涼月上深夜倚欄看兵氣連吳越元戎孰范韓雄心託

長劒歧路重儒冠滄海無家慣高風慕幼安

酒中呈謝方齋先生

涼風起天末黃葉辭庭柯明月入我室觴酌嘯以歌絳帳得
所因載酒日夕過望洋歎汪濊仰嶽嗟嵯峨河海納細流輒
思揚其波取玷叢白璧所望良工磨去日不可追來日不可
多抱此區區心其奈高深何

車廐山

山爲越王句踐牧馬處上有夏黃公墓

嘗膽眠薪後君王竟沼吳高原紛苜蓿荒徑長薜蘿野樹已
秋色江山空霸圖何如采芝客墓木未全枯

姚江舟次

倦來無語倚危簷顧我何心倒玉缸一種離情消不得亂蟬
聲裏過姚江

晚登崇甯閣

流雲界斷虹，雨在夕陽外。
煙槐散微輝，風竹含虛籟。
登眺一以適，清景山中最。
爽然秋意生，空庭落寒翠。

登吳山絕頂

招邀二三子，理屐上巖扃。
偶爾聽松韻，因之坐水亭。
湖分嵐氣碧，天奪海潮青。
一笑好山色，臨風宿酒醒。

泊舟煙臺眺遠山殘雪

海山蒼莽懸朝暎，天風蓬勃弄晴暄。
柁樓高踞豁雙眼，人煙圍作千山雲。
翠崖丹嶂竭雕繪，下瞰大海何嶙峋。
一峰縹緲出天際，瓊瑤高下結玢璘。
日光照耀作金碧，林木杳杳蟠雲根。
昨夜舟行黑水頭，波濤萬頃搖吟魂。
曉來對此風景異，遣懷何可無芳樽。
拈毫潑墨鬪新句，豪氣直欲雲夢吞。
笑我作

客未踰月鄉夢夜夜梅花村安得御風歷巖岫坐聽流水鳴潺湲

薛葆元

字梅仙號雪溪寄客山陰人光緒丙子舉人著沁雪詩鈔

題畫扇

苔錢緣螭牆柳絲縈石磴雨過生綠陰修篁見三徑有人扶筇來青山路縣互小橋流水聲奚奴抱琴聽

褚成亮

字叔寅餘杭人光緒丁丑貢士著校經室遺集

褚維屋傳略猶子叔寅幼入塾敏穎殊常見經史之餘好作韻語年十七避兵江南傷時感事時託詠歌亂定歸里旋舉於鄉五上春官始得通籍病咯血撈發遽歸踰歲卒年僅三十有三王同曰叔寅弱不好弄獨劬于學節縮衣食費購善本書數千卷手自校勘雖流離瑣尾中不廢吟詠

海上秋感

鄉關何處斷蜚鴻江上行吟歎緒風玉井銀牀憐宛轉碧梧

翠竹動高空已聞瀚海吹羌笛誰向昆明問漢宮苦憶南谿
雲物好十千沾洒慰飄蓬

申江道中口占

細草綠鬢髫平田雉子過麥風披翠浪霞影散紅羅篷短漏
漁火月明聞櫂歌一竿江上者爲問意如何

旅齋讀書

詩詞襲魏晉文章擅唐漢開卷時有會掩卷遺其半所見苦
不廣如在井中瞰章句鏗金石縹帙紛黃紺筆陳排縱橫詞
原發浩瀚古訓誥言質國風寓意暗如何後世人春秋嘗破
爛灑頭筆底翻一發勢猛悍日與古人對此心喜閒散豈必
叩牛角長歌南山粲

贈季蓀從兄

昔年我性豪自謂不羈馬轉嫌君性拘噉笑不輕假我近返
樸實君亦趨瀟灑氣質各一變頗不相上下交深迹益淡情
投見翻寡今夏吳門游羈旅託大厦君適去皖北索居類暗
啞新秋始相晤快如病脫痼詩成稿互商酒至杯同把拂語
輒面諍佩詞獨心寫相對雖窮愁慰懷亦聊且君每口譽騰
棘薪比梧楨頗似韓昌黎偏善孟東野良感垂眼青毋乃令
顏赭蘅蘭媚幽獨桃李競妖冶斯人具素心結契有以也秋
風吹純鱸張翰客愁惹日夕動歸思久聚焉能捨人事況難
測今不知來者及茲幸會逢胸懷共傾瀉青燈坐涼夜霜花
飄屋瓦

任城太白酒樓

西風吹樹天欲冥高樓縹緲朱牋明人閒鷺鶴杳然去濟水

荒寒繞任城城頭屬酒羈懷放嶽色河聲鬱相向萬里翱翔
宮錦袍三山隔斷夫容仗瀟湘蘭芷不可求斯人意氣凌干
秋南池高詠今誰繼西北浮雲我亦愁浮雲翩翩黃鵠下古
人不見況來者詩教陵夷渺二南王風板蕩淪三雅茫茫斯
世孰扶輪入室升堂知幾人江東雲樹空回首不見當年賀
季真

馬彥森

原名既閑字晉三號蔚林臨海人光緒丁丑進士官禮部主事著師竹山房詩文稿

葉書曰祠部十年京秩清苦若寒素退食之餘手一編如爲秀才時嘗出其廉俸重刊洪芸軒先生禮經宮室答問士林義之丁亥歸省將蒐采桑梓遺書輯爲赤城後集天台後集以書見招再赴再相左而君歿矣

甲申江西學政陳寶琛奏請先儒黃宗羲顧炎武從祀
文廟事下部議予擬奏有云世儒從語錄入立講學之名

其理學皆儒先之餘緒宗羲炎武從經學入不立講

學之名其理學接孔孟之真傳格于禮臣不果上讀

兩先生遺書爲之太息各系小詩以誌景仰

我懷黃貞孝文獻東南垂卓然並孫李大儒天下知

時北有孫奇逢

西有李中孚南有先生稱三大儒

自少抱隱痛血淚流如縻痛父死闔難草

疏袖長錐訟冤冤以伸力學下經帷時慨經術蕪思以力變
之讀書發家藏學以有期期不足又借鈔於書無不窺巍巍
續鈔堂瓣香東發遺早具經世畧慨然期有爲不幸丁陽九
身冒厓海馳奔走歷長埼慨然吟式微況又遭黨錮捕檄來
相追天欲留絕學滄桑脫其危從此垂述作繼往開來茲妙
悟屠龍技布算無差池古松流水閒簌簌聲相隨早遊忠介
門禦侮更有誰忠介去未久末學多紛歧援儒以入釋因果
肆謦訾乃復證人社開講坐虎皮旨以良知闡功以慎獨歸

大江從者眾堅緒藉以維先生重實踐理學六經爲經術以經世讀史通時宜末流談心性徒取語錄資語錄糟粕耳易爲禪門欺昧乎先生言直以孔孟師吾黨奉斗杓睢州著贊辭讀書亾種子潛邱著哀詞熠熠南雷村寒苳長如斯我生恨已晚仰止心歔歔

我懷顧處士經師兼人師第一有用儒品識必先之博學與有恥肆力探旨歸早歲遊復社顧怪善歸奇苦爲勢家逼出遊始魯齊署曰蔣山傭逃名久孤羈中更遭无妄南冠囚鍾儀天欲縣絕學履險脫危機孝陵凡六謁淚血灑崦嵫九州七遊覽五嶽四登窺險要旣備厯利弊亦周知負書資考證苔蘚剔殘碑出入關塞閒秦晉更依依始欲居祁南築堂山之陲經史富插架來者堪畱貽繼又居華下綰轂形勝宜將

以菟裘老蒺藜甘如飴總之不稱意小住復棲棲胡馬嘶北
風越鳥巢南枝經世抱偉略墾田小試之自慨生不辰藉以
著述垂尤精音韻學墜緒一綫維先生言理學必以經學資
舍經以言理恐墮禪學歧末流聚徒幟語錄襲浮詞心性茫
無解不遑賦茅鴟深味先生言後學當蓄韞在昔何太史匆
貲爲建祠棟宇傍慈仁俎豆備偶奇我將往瞻拜仰止心歎
歎

入都留別家人

惜別金臺甫一年秋風無奈促征鞭高堂衰老難爲別行李
蕭條不受憐會向文書稽典禮由來風教繫儒賢妻孥尙把
歸期間未對離尊已黯然

吳有倫

字仲蘋北縣子錢塘人光緒己卯優貢官慶元訓導

楊振鐫曰仲蘇東嚴訓刻苦力學事親能承先志兄及弟皆早世視姪如子家庭之閒怡怡如也與之交若飲醇而心醉壯年遠逝未竟其施所爲詩不自存惜子道晉搜錄如干首

新柳

春光轉眼到平疇柳色青青入望稠淺碧初含隋苑雨疏黃猶記漢宮秋頻添綫迹梳風翦淡掃眉痕映月鉤恰值芳塘新漲滿幾絲低拂釣魚舟

蔡振龍

字海瀾仁和諸生

許莊祥曰海瀾爲秋圃廣文之孫喜吟詠精篆刻好摹鐘鼎文字有神似處以攻苦得疾弱冠卒

晚香玉

風飄翠葉娟娟靜露浥瓊蕤薄薄寒良夜月明香滿室捲簾人倚碧闌干

金葛銘

字少逸嘉興人著半野堂燼餘雜詠

與客飲花下

陌頭花正芳
釭面酒初熟
客有不速來
款戶聞剝啄
草堂春日何遲遲
幽禽嘯上天
桃枝呼童洗
罍酌清醕
與子臭味無
差池花間那得春
長在況復風塵徧
江海請君且覆掌
中杯
從古韶華不相待

張程典

字穆安秀水恩貢著更生小草寄蝸廬詩草

家傳略君童年秉承庭訓卽通韻語其所作詩一本中正和平之響是能宗法三唐而不失其矩矱者

秋過汾湖

淼淼汾湖水
煙波洗眼寬
布帆衝浪疾
蘆葦戰風乾
雁影遙天斷
漁歌極浦寒
艱難遭世變
擊楫起長歎

屈元熾

字社堂石門廩生

余麗元曰社堂工古文善草書旁涉天文算術壬奇太乙演禽青鳥風角諸書余辛斯土重修志乘社堂纂輯

甚勤成書後復取人物各門箸述以及二百餘年行世
專集家藏稿本博搜精選成石門詩存八卷闡發幽潛
厥功偉矣著有春帷雜誌雨
樓賸語南除筆記學圃卮言

無家歸

賊鋒所至如驅雞倉皇出門迷東西遙望煙頭起村落知是
誰家妄猜度日將西沈賊已去疑信相傳了無據歸途衡宇
望依稀火星四迸煙塵飛保抱攜持無家歸傍晚不食苦枵
腹露處終宵抱頭哭明朝四散如挺鹿

兒勿唬

煙頭起賊到處舉火賊來矣荆棘蒙茸暫隱身大道往來賊
如螳可憐獨有懷中兒噤不敢言但相指兒勿唬唬不止手
掩兒口兒無聲賊去漸遠兒已死

按畝捐

按畝捐門牌錢祖遺田相熬煎日朶月削脂膏盡吮吮餓虎
還流涎枉使貧兒斃筆楚新法聊爲十家坐悍賊叫囂責殷
戶歸罪一家禍更酷賣兒貼婦補未足哀哉富人羨惻獨

半月城

邑城始基嘉靖年連蔓接第如螺旋櫓槍一掃無人煙四圍
空闊賊兵少中界城河樹之表飛符捉人星火急畚鍤鋤
應聲集鞭扑交下無休時布囊包飯自供給

徐鳳清

號松坡桐鄉諸生

憶家

城南有老屋插架滿瓊瑤一自桃源去相思枌社遙故山怨
猿鶴新侶狎漁樵何日重迴櫂鄉愁取次消

苦旱謠

盛夏久不雨良苗失蔥綠杲杲三伏辰赤雲爛遙目菽麥已
歉收菰蔣亦難束沿溪蹋車者悲歌慘于哭始言米如珠數
金糴一斛又云有兩弟爲虜去邦族耦耕無亞旅何由禾成
粟況復丁旱乾焉能逃鬼錄我來聞此語愀然爲顰頤上天
豈弗仁下民寔無祿安得祈甘澍郊垌沾且足扶杖度溪橋
淙淙看飛瀑

沈椿年

字應愷號曼六歸安
陳貢著胎經堂詩集

家傳畧椿年好學不
倦工於有韻之文

雨後郊行用巢雲山人登城寫望原韻

首夏雨初歇郊原生繁綠晴色天際來夕陽挂林屋桑徑雉
習飛花陰犬閒宿斷雲入嶺遲新水拍塍足短笛三兩聲村
墟見歸牧暮靄散荒垌霏霏若暝沐苔衣泥半封麥浪風微

蹙地曠景自幽民勤俗亦樸清遊偶乘興縱觀卽寓目黃鵬
方引雛曉徧柳陰曲

次韻答趙履卿秀才

徵泰

大雅不作風氣移溫柔之教無人知狂瀾一倒日趨下中流
砥柱疇支持俗儒紛起務標榜立異往往堅藩籬文質混淆
不可辨賸鼎直公僭雞彝君家風雅一門萃湖山有美鍾瓊
奇眉山兄弟已超越尊人介眉暨叔氏季眉兩先生均負詩名斜川亦秉非凡姿
讀書等身富著作臺端風雨盤蛟螭遙吟俯暢好興會氣盛
自覺言皆宜曹劉文章建安骨瓣香得主心手迫法言不受
古人制落筆神動斯天隨琳瑯照眼字句麗熊熊光采如懸
黎虛懷若谷肯下問豈同墨守貽嘲嗤精金百鍊益求美中
心樂此應不疲一篇傳出爭歎賞譽播人口言非私天生奇

才必有用高歌對酒君莫哀我生謫陋悔不學方苦詩境多
紛歧得君佳章口生沫臨風想像推敲時陽春一曲和者寡
贈答豈可無新詩壽陵餘子強學步邯鄲之誚吾不辭

李植紀

字子修
鄴人

董沛曰子修幼敏慧坐膝頭時已識字數千稍長
通音韻訓詁之學詩亦超雋未冠而卒人皆惜之

擬唐人塞下曲

九邊寒氣逼貂裘回望鄉園出斗牛
旅雁聲孤關月黯盤雕影掣蘼雲愁
鐙明遠磧背馳檄笳咽重營夜唱籌
立馬天山看積雪寒冰齒齒射雙眸

雲中魏尚備邊才獨上譙樓舉酒杯
西道遙通都護府朔方外直赫連臺
若教漢將從天下安有長鯨跋浪來
憑弔古今猶未已一聲簞策帳前催

懷古

丹鳳振羽儀欲營阿閣巢上翀忽下墜燕雀環而嘲在昔蘇
季子權術非不高說秦十上書落落無所遭歸來雒陽道金
盡衣緼袍里門相識者譏笑紛喧呶刺股讀陰符三年忘其
勞豈不苦入趙所志爲若曹富貴多親戚我重貧賤交

張炳璋

字恭題號
獻月鄞人

洪曙孫以山行詩見示和作三律

閒居無箇事日日繞山行古木露根立危橋編竹成野花相
對笑溪鳥不知名柯斧已陳迹微聞人語聲

去去出雲外縱橫路幾叉兩山分向背一簇住人家隨地拾
松子有時逢野花此中足幽趣回首白雲遮

步步引入入山山已深嵐光交遠岫巖溜滴清音危磴巖

十月夕陽寒一林歸途能記否約略可重尋

野興

邨戶兩三姓比鄰四五家
裏盤藏嫩芥摘茗揀尖芽
溪碧添新水林紅賸晚花
秧田春雨足隨處有鳴蛙

王祖薌

字椒生山陰恩貢

寒夜評文示同學諸生

琳琅溢目粲晶瑩斧藻羣言次第成
鏤琯裁雲人欲老綠牕延月眼猶明
一丸賸墨存長物十載寒瓊負短檠
願取騰驥凭驥足衡茅爲爾慰平生

沈鏡煌

字翼心號蓉初會稽貢就職直隸州州判

恩

孫德祖曰翼心性沈穆務爲樸學餘事爲詩明僻酬唱多出腹臆成卽寫寄不再錄存歿後其子縣學生瀛望蒐葺得數十篇而已著有增訂翁注困學紀聞校訂胡刻李善注文選池南老屋遺詩雜體文

擬張茂先勵志詩

并序

茂先是詩昔人多擬之以寓勤學自勵余謂士各有志豈必疆同古人爰廣其意衍爲四章設喻以明之
天馬西極來權奇待殊賞風塵久困躡伏櫪秣猶仰願迴一
顧恩千里奮遐想誰能芳草歇不冀玉禾長努力事修途落
日休慨慷

灼灼夫容華託根在芳池微風一披拂芬馥流華滋伊人渺
秋水臨流欲招之白露皓已盈珠重仍自持永懷君子德潔
清以爲期

南園植繅卉中有不秋草涼雨披蕭森嚴霜凜寒皓豈無桃
李姿春陽競姱姣盛時方自炫芳顏詎可老榮華在本根歲
寒庶自保

枯桐不解語切切縈我思空腹網珠塵眞賞待子期士有蒿
蔓瘦不羨酒肉肥乞米無故人平原亦忍飢蘭芳良自愛折
之欲贈誰

孫慶曾

字遂先號瑞軒步康曾孫會稽廩貢候選訓導署蕉雪廬集

樂安家傳兄子慶曾以親老授例就教職選海鹽訓導已先兩月病歿矣少時經寇難世業盡于兵焚苦志力學冀得寸祿以養親卒從僚以死所著蕉雪廬詩詞駢體文稿半幽愁憂思之作讀者哀之

遣悶讀尚綱堂詩卽用其韻

眾中語笑失天真強展愁眉暗愴神青草西堂還夢弟白雲
東浙倍思親卻看銀燭長垂淚知有金錢暗擲人歲月閒拋
成底事客中容易又殘春

秋夜偶成

酣睡庸庸福誰教我獨醒巷深猶吠犬庭小但流螢身世寒

于月煩憂密似星
渾忘枯坐久花影上孤櫺

絡緯

疎籬豆葉黃孤館燈花碧
費盡三秋心縹絲不盈尺

將之杭州留別從弟孟錢

仁述

囊琴匣劍此分襟
向曉西帆又武林
隔岸湖山春黯黯
對牀風雨夜沈沈
文章有價終千古
志事無窮在兩心
庭誥分明同記取
黃金難買是光陰

歲暮書感

糝盤爆竹催歲闌
言愁欲愁淚汎瀾
親癢薪米持家苦
婦病羹湯養志難
入世羸將千眼白
讀書賸有一羶寒
天須念我春回早
挑盡殘燈強自寬

歸自武林以楮衣三襲紙錢百提與亾女珠

瀕行許汝爲添妝
酬汝黃錢劇可傷
荒艸一坪胡蝶舞
暗指雙淚對斜陽

落葉蕭蕭動地哀
峭寒應自到泉臺
新衣定稱身裁否
今夜還應謝我來

大風渡曹娥江

衝寒破曉渡曹娥
俗解并不著江字
西望稽陰淚更多
愁絕癡親寢

游子餐風如虎浪
如鵝

朱定基

字伯鼎適然子餘姚諸生
嘗留雲館詩詞各一卷

山行絕句

白雲深處樹霏微
樹裏村居盡掩扉
最是山風好相謔
亂飄紅葉點征衣

雲氣迷山水墨新
斜風作意慣欺人
莫嫌細雨沾衣溼
已勝

兩浙輞軒續錄

卷五十

朱定基潘文清湯繩和

九

燕京拂面塵

潘文濬

字廉臣諸
暨廩生

湯紹南傳略廉臣師弱冠有文名藉寇之警避亂山中
賊退後窘甚乃寄其子親串家而撫諸弟備至晚年無
志進取盡心教授邑
之後進多所成就

甲申八月秋分前一日大風

飛揚跋扈氣何雄彷彿當年項羽同猛虎攫人驚膽裂孽龍
鼓鬣捲濤洪聲排鐵甲來天外勢挾危樓入海中十萬湖田
猶未熟莫教淫雨起哀鴻

湯繩和

字春谷錢塘人光緒庚辰進士
官刑部主事著青芸室吟稿

家傳略春谷性穎異弱冠有聲庠序同治甲子以優行
貢成均授瑞安訓導光緒己卯登鄉薦聯捷入詞林癸
未散館改官秋
曹尋謝病不出

蟋蟀

豆花籬下韻悠悠觸耳頻添百種愁一陣繁音新樂府滿腔
幽怨古涼州深閨夜夜催刀尺遠塞迢迢望女牛竊怪微蟲
知應候年華容易水如流

夏庚復

字也白號松孫同善子仁和人光緒庚辰進士官戶部主事著揖青閣詩草

府志庚復幼明慧有至性父患脾疾具疏禱於神請減
己算以延父壽父病果愈光緒元年蒙
恩予藍力白於父推蔭與弟父勿許請益堅父憐其愛弟之
誠勉從之庚辰成進士供職戶曹聞父在江蘇學政任
病卽請假馳赴侍奉月父歿哀毀骨立力疾營葬以
是增劇疾亟時猶馳書其弟云勿告母恐傷母志也
緝雅堂詩話松孫爲子松侍郎哲嗣有孝行劬書臚志
以干謁爲恥通籍後竟不得入翰林此才可惜也旋遭
父喪哀毀過甚以咯血卒王益吾祭酒嘗
爲余言松孫文學甚高余恨不得見之

詠史四首

富貴居然右校王穹廬朝罷憶家鄉武臺賜對君恩重少府
幽羈母淚長大父南還曾奪馬故人北去正看羊回頭顧影

成胡服一撫刀環一斷腸

抗疏彤廷白面郎積薪厝火慮深長匡時才略追伊管名世
文章冠董揚鸞鳳竟教棲枳棘芷蘭何止弔瀟湘明良遇合
猶如此悵望千秋涕泗滂

東來七國鼓聲聲發難誰教七鬯驚快意鄔劉輕削地卸肩
繻葛議親征兵農縱有匡時策忠孝終慙死後名千載黃齊
循覆轍燕飛一曲涕縱橫

一戰旋消七國氛果然天上下將軍廷爭慷慨王丞相兵令
森嚴馬服君將種一門梁棟任謗書兩世蕙蘭焚獨憐長信
非前日提絮誰人述舊勲

送張壽農丈赴順天學幕

秋風一夕促征驄琴劍飄然歷

帝邦碣石朝登雲礙馬渚沓夜渡水迎艘金鏡早刮衡文目
鐵笛新調出塞腔三輔自來人傑藪清才誰合比潘江

相逢兩度月臨窗別路郵亭雁影雙三上才名傷楚璞五年
鄉夢落吳江尋詩擬著秋山屐論弈頻挑夜雨缸屈指春風
歸信早海棠花下足音登

葉維幹

字槐生仁和人
光緒庚辰進士

許莊祥曰槐生先生仲宣體弱相如善病獨其博聞彊
記具千人百人之能經史小學詞章以逮
國朝掌故靡不兼綜條貫顧以幼學又抱騎省之悼嘔血
數升而卒年僅四十有三平生精力專治晉書及歐蘇
二史屬稿未半
天遽奪之悲夫

北河雜詠

庚辰五月出都自通州循會通河南下至臨
清登陸舟中無事以所見聞日課一詩行十

六日遂得十六絕句
因以北河雜詠名之

兩岸淤泥高似阜一灣渾水濁如漿分明不是江南景莫怪

征人苦憶鄉

路河泥沙渾濁近津尤甚南中無此景也

臨水成村樂趣多天生燕趙好悲歌風來一片喧歌吹知有

人家在隔河

楊村河西務一帶向晚輒聞歌管猶有京師餘風

水天空闊絕炎埃窗啟風從四面來七十二沽秋色早藕花

纔放蓼花開

余五月過津蓼花已盛開矣

楊柳青邊楊柳青陽關屢唱不堪聽雨絲風片皆惆悵一樣

傷心送客亭

楊柳青在天津南

臭味尤於措大投吳酸延譽滿齊州我來買得三錢醋不負

今宵佳獨流

獨流在靜海北出醋頗佳

薄日烘雲釀晚陰船頭小坐快披襟滄州獅子東光佛聞聽

舟人話古今

相傳滄州有大石獅東光有大鐵沸均以風利不得泊未之觀

雅集西園做綺筵清遊誰更繼從前浮瓜沈李人何在我到

南皮正暑天

東光以北河所經皆南皮縣地

河波曲曲復彎彎一日舟行幾往還惱殺篷窗高坐客終朝

九面望衡山

會通河紆迴曲折觸處成灣言德州九灣滄州十灣未足盡之

譙櫓模胡戰壘空名王曾此建奇功夕陽返照疎林外似見

當年礮火紅

咸豐初賊據吳橋之連鎮忠親王以礮擊平之至今居民能言其事

隄上征車響似雷炎天行役劇堪哀可憐赤日黃塵裏猶是

揚鞭得得來

北路舟車並進故水程所見如此

緝糧編茆自結廬漁家大半繞隄居網來得鯉人爭羨有客

停舟喚買魚

德州鯉魚鱗鬣作金色者土人呼爲德鯉其味尤美

荒臺突兀倚岑樓十五年前我舊游落日仲舒祠下過蕭蕭

髡柳一蟬秋

德州城西有董子讀書臺余僑寓時曾一登步今復過此相距十五年矣前塵舊夢不禁慨然

五女無端黜一姬殘碑撫罷尙傳疑千秋祀典誰釐正不獨

人閒杜十姨恩縣西北四女寺祀唐時宋氏五女而去若憲一人汪韓門嘗辨其誘引元志四柳樹爲證良也

閒烹佳茗助清談水味居然判北南優劣自緣來脈異潞河

不及衛河甘衛河源自百泉水味極甘潞河不逮也

墜地希夷笑絕纓香孩兒自洛中生此閒不是龍興處怪底

偏呼夾馬營夾馬營在武城北

乾坤無地息勞筋纔卸征帆又展輪雞子太陽糖餅月朝朝

暮暮送行人舟至臨清距冠邑百里從此舍舟而陸矣

王蘭字醉香歸安人光緒庚辰進士戶部候補主事

緝雅堂詩話醉香詩才甚美尤工駢儷文字庚午鄉薦遲回十年始通籍入翰林散館改戶部黃塵奔走勞瘁以終生平覃思經學聞有成書歿後飄散不可得見遺詩數葉如拾斷璧已

過東塾陳先生故居

百年不可待當代失人師檢點遺書在徒令後死悲式闕
有禮講學可無祠及門諸子就菊坡精舍講堂之右爲祠以祀宗派殊紛糾中流
更付誰

陳同年 光明 輓詞

浩氣吸長江龍文健筆扛堪嗤驚鳥百喜識蜀才雙謂毛君

竟歸長夜余仍滯異邦蕭蕭白楊樹愁絕黯銀缸

並轡金臺路春風紫陌人文章常自晦政事未能陳君有奏疏未及

上 繆襲歌難續唐衢淚已頻譚鑫振楊謝先亦淹化思舊倍

傷神

袁鵬圖 字海帆天台人光緒庚辰進士官福建建安知縣

天台詩存海驛先生幼質頗純讀書非數百遍不熟研
長學爲文埋頭案下窮搜冥索不得出起循階下心忽
洞開自是穎悟絕人會匪亂不獲就試避難桐柏山中
時賊氛駭惡遠近騷然先生日手一編呻吟不輟聞者

竊笑而先生自若寇平後受知於吳和甫侍郎充博士
 弟子員及廩餼俱第一同治丁則舉於鄉出南皮張孝
 達尚書門下尚書雅器重之而吳春海侍御傳子純那
 中允深加歎賞文名震都下以翰林出知建安縣抵任
 四閱月卒先生嘗謂韓昌黎文起八代之衰有唐以還
 少有倫匹然上書時宰諛墓見譏不免仍負文章之病
 又言作文須無人之見存名心客氣消除殆盡然後一
 吐其胸中之鬱積而獨有千古生平與文田頗有心契
 今校遺詩不勝
 死生契闊之感
 緝雅堂詩話海帆博學工詩王益吾前輩庚辰分校所
 得士也既入翰林益研究四部之學金洪已往可為繼
 軌散館改官福建知縣自傷牢落竟爾摧折
 遺稿散失僅采得二詩函登之錄以存其人
 贈于同年 式枚

羣仙下霄漢把酒當良辰于君瓌璋姿綺麗非所珍十四通
 諸史治亂能具陳唐事熟歐宋往往驚座賓十載乃淪落豈
 獨余賤貧行年二十五射策趨

天闔微臣有至願晦若對策末云此則臣之至願也未敢隨
侃侃數千言同人皆斂手稱服

訛訛蛾眉召謠詠得失良有因時與君同改官深山友麋鹿去去安

可嗔王侯久絕望簪作榮于春人言虎氣猛我愛龍性馴時

為東塾陳先生高第弟子先生贈詩云桂海奇才出英鋒不

可當問年甫終賈讀史似錢王虎氣必騰上言談宜善藏參

感賦

葵藿誓不徙卷施終自香詞人例流放落日倍悲傷小飲秋

衣薄孤吟露坐涼修門幾留戀榆柳已成行

胡壽昌榜名炳遠字在茲會稽人光緒壬午舉人

孫德祖曰君尊人心中亭丈工擊刺能負重越重樓君少

攻舉業以其暇受家傳盡其伎世居城南下龍相傳歐

治鑄劍處同治初丈練山中賊大集父子皆負重傷猶以

意超登稽山門垂克矣而賊黃蔚亭先生之門受天算

矯捷跳而免君嘗執贊餘姚黃蔚亭先生之門受天算

之學稱高第又通解靈素謁疾者穿戶限君志在濟人

無勿應余以世好且生同歲與為總角交雖相習恂恂

退讓幾忘其有絕人之藝年甫四十病歿每泛權邪谿

猶欲呼龍泉太
阿爲知己也

題孫瘦梅丈小螺盒病榻憶語

憶語爲丈愛女越
晚作事蹟詳書中

明珠碧海渺音塵病榻秋風記尙眞
十九年華成小劫萬千談緒愴衰親
庭前柳絮空無迹夢裏蓮花淨有因
得似小鸞仙去否綠陰長鎖畫簾春

香山哭女猶嬌小才調今堪學士誇
麝墨奇香凝粉黛鴛鍼密字組雲霞
起疴媿我無靈藥著錄憑誰繼抱花
痛煞九華妃降日天風一霎引鸞車

瑤草琪花信有無瓊樓玉宇總模糊
修談上界新居樂爲恐高堂老淚枯
執手自傷兒負負承顏猶望弟呱呱
最憐選得乘龍壻魂傍秦臺夜月孤

摩挲倦眼灑松煙無限酸辛尺楮傳
長爪暗掄秋信早豐顛

愁掩月華鮮。緗桃一樹傷春盡。素柰千花覺夢圓。料得去來
今不昧探環。會有再生緣。

楊龍濟

字子恆。平湖人。光緒壬午副貢。著損庵詩鈔。

晚投陳山寺

一雨秋氣清。空山百泉響。幽尋來招提。脩然愜眞賞。煙嵐帶
夕暉。風壑含餘爽。白雲暮歸來。清嘖起方丈。

田捐行

甲子年事

朝催田捐暮催田。捐縣吏持官符下鄉橫索錢。

朝廷東顧恤民苦。

詔書已免今秋賦。豈料田捐急於火。壑瘠溝癰帶枷鎖。破屋
孤燈風雨惡。寡婦哀哀夜半哭。今年卻悔墾荒田。亦有瘦兒
無處鬻。東村西村亂打門。銀鐺鐵索驚心魂。前吏未行後吏

至荒田更派清糧費

懷陸篠坡

思君不成寐伏枕一悲歌
天地干戈滿江湖風浪多
高才從洒落旅食尙蹉跎
今夕還鄉夢憐予或見過

秋日偕黃棠衫

晉鈔

富斗槎

世鄭

徐介夫

志澄

錢竹筠

祖培

遊李氏穆園卽贈主人止亭茂才

維輝

落葉滿空蒼荒城秋氣深
扁舟晚乘興勝地共招尋
苔石得古意風泉生靜音
平生邱壑夢到此倍沈吟
之子抱元尙山林放此身閒雲
常在戶幽鳥不驚人何日謝
塵鞅相從結比鄰恩恩無奈別
回首愧松筠

辭家作

高堂白髮愁薪水夢裏猶聞歎
息聲可奈飢寒還作客況堪

天地未休兵荒林日暮哀鳥噪極浦秋寒一雁征明發春申江上櫂故鄉回首白雲生

錢鳳翰

字夢研號紫駒又號瘦士鄞人光緒壬午副貢著丹山詩草四卷

董沛曰夢研能詩如青柳云疏蓬影裏春流碧橫笛聲中夕照移秋海棠云紅雨無聲秋院冷碧煙如夢畫閣稀義橋云兩岸風濤飛急雪一江燈火散疏星途中云藥園秋花堆雪白蜃窗初日透顏頰蘭溪晚泊云風動青帘魚市晚波涵紅粉妓船秋皆可入摘句圖也

九月十七日發三江口卻寄家兄兼別諸友

大江秋雨暝一雁忽西征襤被初爲客鄉關未厭兵河梁遊子淚樽酒故人情他日如相憶郵書付水程
風雨動離愁煙瀧急夜流潮聲催客櫂燈火下江樓遠道難爲別孤篷易感秋臨歧各淒楚不忍一回頭

自常山至玉山

石磴新晴破曉煙
筍輿遙渡浙西偏
丹崖翠壁疑無路
茅屋清溪別有天
估客行裝馱瘦馬
野人籬落臥烏犍
此鄉風景知何似
少白峯西太白前

除夜遣懷

故國懸符夕
他鄉獨坐時
征途千里外
歸思一年期
有歲方除舊
無文可賣癡
惟將岑寂意
訴與客燈知

遠道非吾意
孤寒迫此身
關山愁病婦
風雨憶衰親
絕浦沈書杳
長途役夢頻
今宵翻不寐
豈爲守庚申

姚同善

字子元號蘆洲仁和諸生

橫塘

春到橫塘劇可憐
綠波搖破水中天
青衫白馬誰家子
銀管冰絃何處船
河朔風煙猶滾滾
江南歌舞自年年
我來且貰

旗亭酒白眼看雲好醉眠

孫樹仁

字詠泉餘杭巖貢候選訓導

許雅祥曰詠泉幼穎悟年十七遊庠咸豐庚辛間避寇鄉曲勤讀不輟爲文春容大雅宛如其人劫後家山落復遭母喪同懷弟三皆飢驅外出沿獨理家事孝親愛弟人皆賢之喜作詩不自珍惜旋作旋棄今採訪得二首聊見一斑而已

人日登獅山浮圖

杜門屢謝客屏息儼負連衣冠肅迎送苦爲禮俗拘予季約俱出散步城之隅獅嶺忽在目有人凌雲趨卽境興飄舉舉足爭前驅峯遙景已會路峻行轉迂犖确細蹴石偏仄低緣坡絕頂倏平坦喘息登浮圖蓋如猱升木曲若蝟穿珠憑高發長嘯拂拂天風疏回首睨城闕屋瓦魚鱗舒野園繡塍密帶縈茗溪紆梵鐘促歸客嘈呖徹林於中道憩蘭若茗泉瀹

雲腴偶坐話滄桑太息長歎歔興盡廢然返夕陽在蓬廬

丁亥歲除述懷

飄落人間五十年每看身世倍淒然浮生苦為微名累壯志
不邀流俗憐病久易驚時序晚家貧但冀子孫賢三詩那得
追坡老挑盡寒燈尚未眠

曹大經

字海樵秀水人
著吟秋館集

許仁杰曰海樵詩長於情韻體物
工麗風致秀逸可步漁洋後塵

落葉

舊交落落散晨星平楚蒼涼失故青回憶蔥蘢成夢幻卻教
遲暮感飄零空庭露冷和蟲墮孤館燈昏倚枕聽輪與三春
狂柳絮他生猶得化浮萍

徐夢熊

字漢雲號渭堂平湖
廬生著詩餘詩鈔

縣志夢熊性孝友年十五授徒供養水母畏雷嘗館某家每雷雨輒歸侍左右嗜古文詞無體不工書法出入

夕照

鴉背斜翻落照紅
霜楓掩映梵王宮
煙消石徑烘晴靄
宿啟江樓受晚風
詩思半歸濃淡外
秋容都入畫圖中
一聲短笛穿林杪
獨立平沙送斷鴻

褚瑞椿

號篠園桐鄉人

三徑艸堂

處士蔣石林讀書處

碧梧翠竹澹寒煙
三徑秋高月正圓
擬向山人投軼事
殘編還訂甲申年

名流題字壁落侵
猶數當年著述心
手注離騷風雨夜
如聞孤劍作龍吟

朱福垂

號仿山歸安諸生

秋興次李義琴 焄韻

西風蕭瑟奈愁何戰伐南州血似河蓬斷艸枯淒欲絕雁寒
蛩瘦淚偏多胡笳月帶秋砧度寶劍霜兼鐵硯磨誰爲濟川
作舟楫好教滄海不揚波

潘友金

字小松歸安人著閒居詩草

春燕

雕梁絮語意惶忪喚起春閨午夢慵翠幙微風楊柳細紅樓
密雨杏花穠經營自喜新巢穩睨曉應憐故主逢簾纖鰕鬚
垂一桁輕搖銀蒜響琤琮

秋燕

梧桐一葉墮風微門巷烏衣半夕暉塞北歸鴻逢款款江南

細雨故飛飛
光陰不覺炎涼換
心事明知客旅非
料得杏林花信早春來
重與鬥芳菲

秋柳

搖落長堤劇可憐
依依猶似惜華年
看來灞水愁中月
歸去揚州夢裏煙
郵店青旗衰艸路
江橋紅板夕陽天
一杯酒勸離亭別
賸有垂條繫釣船

歸雲菴懷孫太初

數椽遺老屋
破壁長苔紋
山人去不返
歸來空白雲

董

沅字晴嵐
鄞縣人

董沛曰從弟晴嵐以書記遊幕府及卒余宦江西其婦緘寄遺稿凡千餘首多清婉可誦之作

村夜

野村無暮柝
人靜識深更
風急攙蛩語
月明聞犬聲
小窗燈

影亂荒楊峭寒生不是悲秋客難爲此夜情

夜泊慈江

夜靜舟初泊孤懷正鬱陶江空潮勢落天闊雁聲高蹤迹憐
萍水年華感鬢毛推篷明月入照我聽秋濤

柳瀛選

字苦軒慈谿諸生候選同知著鋤月居待存草

長相思

昔年楊柳黃君行渡橫塘今年楊柳綠君行下江曲昔年復
今年相思盈春煙春煙散作雨君行無定處望君上高樓楊
柳滿陌頭君身如柳絮飄泊難留住妾心如柳絲纏綿只相
思思君渺無極旁皇淚沾臆身願爲車輪隨君逐風塵身願
化蘭漿與君共飄蕩飄蕩不還家賤妾心如麻麻夢猶可理
思君何日已

夜坐

明月若依人徘徊入戶牖清輝滿衣襟攬之不盈手零露白
無聲冷漬一畦韭微蟲各爭鳴噫聲遍郊藪人生天地間不
過百年久蜉蝣此身輕何者堪不朽大化妙推移白雲變蒼
狗莫謂愚公愚枉自呼負負此理與誰言仰面看北斗

秋日野望

平原莽莽夕陽微數里人家半掩扉斷岸白沙孤鳥立小橋
紅樹一僧歸霜清水閣蓴鱸美風緊寒塘稻蟹肥此日故園
煙景好行人何事滯征騑

時述夫從兄未歸

塞下曲

生長幽燕意氣豪酪漿飲罷醉蒲桃將軍昨日陰山下夜戮
鯨鯢血洗刀

游天童寺

羣山圍古寺數里度松林老木含虛籟高巖落晝陰水聲趨
壑健雲氣入樓深到此息機好悠悠生道心

袁

謨字康勲鎮海貢生著
望海樓詩草二卷

詠史

祖龍坑儒後漢儒學不醇偉哉董博士對策論天人符命究
三代宏議超常倫胡爲言災異附者談津津善治春秋義豈
在徵驗神主父竊私稿或者非本真

秋夜與百桐行歌至石堰橋

棲身不必華嶽顛肆志不必江湖邊風月領會無處無散步
高歌行且前石堰橋邊露華寒石堰橋東秋月上陳山東山
樹溟濛對之亦足愜幽賞一歌一答和者橋畔東風吹我

衣白露寒兮歸去來應有羽仙入夢飛

詠懷

彭殤不可齊仙釋亦相左生世縱百年一瞥觀石火桃李倏
枯榮冰玉常磊砢不朽自有在何容徒瑣瑣樂天彭澤翁松
下橫琴坐

駱雲程

字子璜山陰諸生

秋夜卽事

西風蕭槭客衣單砌艸吟蛩亦譟寒擬向黃花分傲骨稜稜
霜月倚闌干

沈家晉

字雅軒鏡煌弟會稽人著敦素齋幼吟艸

孫德祖曰雅軒少業儒不得意俱事吏部考功司嘗從
部使者按事滇黔議敘得補吏不就幕游關中以平反
再縣獄爲撫部邊公寶泉所激賞檄
屬縣著爲令是有明體達用之學者

賦得王子晉吹笙

獨謝青宮上紫京，緱山七夕自吹笙。
銀簧嘹唳雲都遏，玉管參差月正明。
下界喚醒胡蝶夢，上方聽到鳳凰鳴。
遙知鶴影三霄去，韶護中天譜乍成。

孫

佶

字吉人，憲祖仲子，會稽諸生。

家集傳略：佶沈默，好讀書，與族子澄從從兄慶曾學，爲詩出語不凡，皆許其可嗣家學。年未冠入縣學，受命不長，可爲太息。

鑑湖四時權歌

春來處處是平蕪，碧柳紅橋盡畫圖。
買得烏篷理雙槳，尋詩先到賀家湖。

艸閣臨流五月涼，亭亭十里芰荷香。
挂帆又入邪溪去，一片樵風正夕陽。

莫問前朝張志和浮生也擬狎煙波榜師遙指橋南路紅樹
青山此去多

漠漠彤雲釀雪天鍛詩我亦聳寒肩老漁莫漫愁岑寂猶有
沿溪訪戴船

陶

炯字爐青繼梅子會稽人

宋崇陵

椒房又見兆蔡龍禍水無人唾漢宮未有長江沈鐵鎖徒勞
殘卒挂雕弓子枝已爽慈烏報甲帳難收汗馬功遺恨千秋
眞一轍黃沙烈烈怨南風

陶謦光

字誦原會稽諸生

孫德祖曰誦廉爲余同歲生子珍仲子性至孝居父喪哀毀幾至滅性手鈔孝經蓼莪篇高積寸許侍母疾旬日不解帶疾革猶以恐驚病母爲念箸有紹寧室驛文
閩游筆錄其遺詩曰忝連龔詩鈔多哀感頑豔有父風

秋日患病歸舟口占

悄然挾卷放歸舟
新雁聲聲動客愁
卅里陂塘平岸水
萬山雲樹夕陽秋
誰憐鍛羽羈黃鵠
未許閒身侶白鷗
一掬思親游子淚
孱軀何以解親憂

鍾壽

字曾伯
會稽人

孫德祖曰曾伯幼篤志于學羣從多輩聲序曾伯獨
艱于一於年未及壯抑鬱以歿其志可哀其業罔竟亦
可惜也

秋柳和漁洋山人韻四首

淺碧淡黃又肅霜
半敲疎影亞橫塘
微聞怨曲賡齊女
無復纖腰媚楚王
流水可堪開鏡篋
飛花曾記點巾箱
陪隄瀨岸都蕭瑟
何處留春碎錦坊

九烈如聞汗染衣
當時嘉話是邪非
嘯鳥別館人初起
走馬

章臺客已稀看偏鰈華青眼在畫將鰈額素心違西風自是無情者慣送長亭葉亂飛

孫

澄

號暢亭慶曾族子會稽諸生

孫德祖曰族孫澄少孤家貧母章氏矢志撫之才而勤學弱冠成諸生未及壯旅物晚垣蓋窮士也

暮春感興

春光滿目映流暉才見紅酣又綠肥風柳有情留客住浪花無際送帆歸韶華荏苒難施絆人事紛紜未息機不及泥香新壘就故人門巷燕交飛

裴曼星

字清倩懷慶生著寄廬詩草

呂岳孫曰消倩天資高妙詩筆新穎佳句如苦吟云結想已窮天外路得來偏是眼前詩遣懷云一心要好皆爲累凡事因人總不成偶成云平生快論皆因酒到處留心勝讀書正月二日奉王月溪云偏是貧家無好事卻從病裏過新年病中答商子我云我本無家爲客久書緣多病報君遲不忍割愛因附錄之

寄史乙青

月落行人發離亭欲曉天送君思此日別我幾經年古驛愁
邊雨寒江障暮煙衡陽何處所知在白雲邊

聽泉居宴別

江水逝悠悠金尊相對愁不堪千里別只此一宵留殘月沒
河漢清霜冷斗牛明朝挂帆去寂寞此高樓

張經鉏

字帶畊義烏諸生
箸遜敏齋詩文稿

得官軍消息

三千犀甲傍蘇臺指掌青徐此舉開寄語廣平須自力莫煩
回紇一兵來

朱烈女

玉碎珠沈浩劫中蛾眉蹈刃氣如虹從今碧血餘荒草化作

春花不斷紅

黃福楹

字豫齋號松泉仁和人光緒

許始相識後居同治九年君舉孝廉余貢優行以司歲生
見就正君繩削其不合無少欺詢余之益友也君幼慧
甫受書覽即成誦性端重言笑不苟長老見之日遠大
器也居平鍵戶勸學敦行博通經史傍及六書訓詁句
股岐黃諸家書法直追率更得其神似光緒九年成進

士

朝考一等第一名改庶吉士旋丁父憂居喪如禮杜門不

出未嘗一飾竿犢干當事服除散館授編修奉母人部
十四年充順天鄉試同考官十五年充會試同考官得

大婚禮成君以翰林撰文

詔加侍講銜君既入詞館名動京師某鉅公欲致君耶第顧

性素冲澹不省揣合謝弗往去年余計偕至京見君貌
眇矐竊憂甚七月果聞君病今年二月手書述近狀云
病稍瘳日書小楷十餘行知尙可爲不意未一月內間
至烏摩悲已君秉賦本弱又鏡於爲學刻苦自勵兼豪
於飲不自知其形茹而神瘁也君父訓導君爲名諸生
慷慨好周人急感豐庚申蘇杭寇至訓導君辟地甬上
鄉人之往依者無論識與不識或留舍或飲以金必遂

所欲而去家世業雖某爲司會計死通數千金其孤幼
願以遺產抵償訓導君曰若舍此無生計矣吾不忍也
焚其券其他義舉多類此論者謂君掇巍科秩清貴君
猶子又少年領鄉薦皆訓導君好施之報孰意訓導君
卒兄福珍及猶子開甲繼之不數年君又卒此又天道
難知者已余不文何足以傳君因錄君詩謹次大略以
俟韓歐其人者

擬吳梅村效元人齋中雜詠詩八首

焦柜

勁節枯亭竹高裏爨下琴風煙餘古調身世望知音落雁聲
誰譜孤鴻響未沈後來嵇叔夜一賦重詞林

蠹簡

收拾秦灰後千秋墜簡藏飽看中祕冊聊避羽陵香鳥篆形
同古蟲書字莫詳神仙誇脉望終自守書倉

殘畫

此畫通靈處猶餘半幅存模糊尋竹屋隱約指桃源粉墨笑
無色煙霞筆有痕洞庭疎木落蕭瑟認江村

舊劒

不盡平生感都歸寶劒篇猶餘龍虎氣上燭斗牛躔肝膽干
秋託恩仇兩念捐鐵花苔繡滿薛燭遇何年

破硯

一片琳腴石奇珍覓歙州連城原比價半璧尙堪收鸛眼餘
波賸龍鱗碎點留果然邀裂土卽墨已封侯

廢檠

尙憶青燈味當年其一檠疎窗風幾度破壁月三更意並遺
簪惜情追炳燭明飛蛾休再覓守黑已銷聲

塵鏡

寶鏡全韜彩風塵暗暗遮白雲雖可蔽明月自無瑕宮女霜
中鬢詩人霧裏花我心思德操冰鑑自光華

斷碑

剔薛摩挲處貞珉古蹟遺數行蹲鼯鼠一綫裂蛟螭歲月岐
陽鼓風雷季子碑精神璫蠟寄剝蝕字猶奇

錢塘懷古

鳳凰山邊白雲浮羅刹江頭春復秋江山終古色不改半壁
繁華今安在石鏡真人王氣隆名馬玉帶眞英雄翦除蕞昌
定全越帝賜鐵券酬汝庸中原逐鹿正多事芒碭匹夫據神
器惜哉不驅射潮三千弩援旗東指聲大義神龍屈伸知行
藏保安蒼赤又一方天目高高漸水闊十四州固如金湯明
聖湖畔笙歌路物換星移幾朝暮陌上新妝游女花山中衣

錦將軍樹四世五王節鉞傳正朔遙奉中朝年金書玉冊
加禮一夕燈張十萬錢陳橋已聞黃袍裹手挈金甌朝帝座
竇融竟自獻河西王濟何煩下江左一統車書曾幾時復見
泥馬東南馳山河依舊爭割據覲顏猶上中興詞小朝廷遂
偏安勢稱姪稱臣總失計官家不聞神州歎大夫未隕新亭
涕撼山空說岳家軍韓劉羽翼馳風雲長城萬里乃自壞東
窗縛虎殲元勳黃龍痛飲成虛局二聖書難傳雁足寄環未
歸北地魂銷金爭唱西湖曲一德閣繼半閒堂復見浪子爲
平章蟋蟀經成軍國事傳烽坐見圍襄陽三更魯港歸來後
木棉花發難回首北軍飛渡過江來虎踞龍蟠竟不守趙家
淨土已無成厓山一戰風雷驚抱琴空見汪水雲簽表還憐
謝道清吁嗟乎白雁飛來事可哀紅羊猶賸劫餘灰坐受和

餌出下策斷橋花柳成蒿萊六陵佳氣銷無迹蝦蟆更鼓怨
秋夕惟有冬青千萬枝猶是無情向人碧

葛金烺

字景亮號毓山平湖人光緒癸未進士官刑部郎中著傳模堂詩稿

家傳略公少有才名博通經史藏書數萬卷樽酒之外
日手一編所著有傳模堂詩文稿竹樊詞鷗觚書畫錄
若干卷

柳西田家詩

傍水結蝸廬翛然遠塵鞅柴扉晝不扃春風自來往
及肩芳原平如掌煙雨見春耕鐙火聞夜紡野草有靜意
溪流無競響我本避世人得此愜幽賞願賦招隱詩長懷
出塵想

寒夜步月偶成

夜氣寂羣響虛堂寒漏稀孤檠耿殘焰疎櫺明夕暉中庭恍

積水冷欲浮柴扉朔颿撼喬柯驚翼帶夢飛月高人影短霜
濃梅花肥衷裏不忍去瑟瑟香滿衣詩心澹何似太清微雲
微

浦上晤范雲岳

握手各無語江風生莫寒難爲游子別休作異鄉看世味同
雞肋人情比鼠肝可憐方寸地無處著悲懽

洪家滋

字仲務號詩圃鄞人光緒
癸未進士官戶部主事

津門秋興

歸驕阻東州天涯欲倦游風煙新度劫書劍又驚秋一粟容
滄海千檣織暝愁遙空空極目不敢賦登樓

劉鳳章

字藝蘭鄞人光緒乙酉
舉人著青黎閣集

董沛曰藝蘭篤學嗜古最喜近人說經之書駢體宗六
朝淡而彌永尤熟鄉邦文獻編四明藝文志搜採繁富

作甬上方言攷證亦殊雋雅鄞慈鎮三邑修志

靡弗預也詩不多作而樸茂之氣自然流露

孫德祖曰藝蘭孝友出天性篤信宋五子制行禁嚴余

以鄞志之役與聯榻經年時聞其夢嚶呼阿母作稚子

嬌慈聲時年已五十有一

兄業買亦白首無閒言

贈黃蔚亭先生

轅固申培侶研經不計年一門孤學衍兩浙盛名傳測遠槎

乘海探深綆汲泉分陰晚猶惜緝古續新編

昔歲遊吾郡曾過闕相湖星光輝客座風采接耆儒欲泛山

陰棹思摹洛社圖鶴飛歌一曲高會慶懸弧

泛月湖

斜照蒼茫裏平湖客放舟疏林招倦鳥短棹逐閒鷗波影綠

於洗蓼花紅欲秋廣生隄畔過隨處聽漁謳

陳

謨

字竹川新昌人光緒乙酉舉人署淳安教諭著涵碧山房遺藁

陳于洛曰君性慧而靜息神于默遺落一切惟好讀書
博雅之聲藉甚藝林同治乙丑庚午兩中副榜一擢學
篆嘗入書局與成績資治通鑑長編拾補六十年五
十甫登鄉薦一上春官罷歸而病遂以不起所著滿碧
山房文集
藏于家
緝雅堂詩話記乙酉闈中三場得生卷說禮精慎知康
成深處浙學流別又能條舉詳允謝山之嗣響也所賞
之至以殿全軍榜發見生名喜爲續學之士生自以晚
達師弟之誼尤篤壽無金石竟爲異物覽其行卷彌令
人哀

訪宋錢氏書藏

九里長松青未了頽垣皴碧落痕繞宛委山深蒼靄迷芳芸
空對春風曉吾聞岳父卜築時凌雲傑閣望參差萬卷縹緗
百城擁左圖右史心神怡昔者蘇公嘗題門願比曹倉永永
存桑田滄海世常有落花芳艸空斜曛捫蘿獨上湖山麓范
鞅踏破春煙綠欲叩鄉媛福地來石室清寒重躑躅邨南邨

北車馬稀眼前惟見柳成圍漢家天祿猶秦炬對此蒼茫百感來

倪鍾祥

字倬雲海甯人光緒乙酉副貢著漱藝潤室稿

許仁杰曰倬雲天才亮特名噪一翼茶陵譚尚書延入書局纂校通鑑續長編頗稱精審

天台方竹杖歌

蒼龍掉尾入山窟雷公雨師不敢掣昂首化作青琅玕溫潤如玉堅如鐵湘江邛谷亦有之若論清標此奇絕孔光靈壽詎足侔衛公偉蹟差堪匹公有方竹杖異產端宜託異人山靈呵護呈英傑氣凌五嶽壯遊觀洪崖白石同騰越用則行兮舍則藏圓神內蘊相提挈杖亦靈奇遇不凡由來生佐康強節耆英自古同扶將挺然氣骨何超軼惟方則智智而神宜君子兮登耄耄名山事業壽千春安用刻鳩祝哽噎會須珍重

好護持勿使葛陂化龍逸優游相伴樂期頤勒銘萬古同金石

感賦 集杜

風急天高猿嘯哀天時人事日相催故鄉門巷荆榛底巫峽
秋濤天地迴衰老應爲亂離別艱危深仗濟時才籬邊老卻
陶潛菊舊國霜前白雁來

金章紫綬照青春鳴玉朝來散紫宸萬里悲秋常作客一官
羈絆寶藏身手持白羽未敢釋羞見黃花無數新甲第紛紛
厭梁肉勿云江漢有垂綸

憶昨逍遙供奉班花邊走馬簇金鞍羯胡事主終無賴老去
悲秋強自寬江上形容書易老中天月色好誰看故園楊柳
今搖落莫道無憂行路難

空山獨夜旅魂驚幕府秋風日夜清三峽樓臺淹日月異鄉
賓客老孤城雷聲忽送千峯雨新月猶懸雙杵鳴庾信生平
最蕭瑟諸君何以荅昇平

樓

觀

字曉滄諸暨人
光緒乙酉拔貢

山居喜友人見過有作卽贈

忽忽殘春度前塵未易尋茶煙禪榻靜花雨郡齋深復此論
心素能無感足音山樓宜對月莫惜撫青琴

葛嗣深

字雲威平湖人光緒戊子舉人
七品小京官著毀華館詩存

家傳略君生而穎慧入歲能詩藏書綦富恆流
覽不釋手旁通曉人金石諸書父歿以毀卒

題南湖春泛圖

落紅都向鏡中飛和雨和煙欲上衣鷓鴣一聲春去也桃花
開瘦鯉魚肥

王定祥

字文甫號縵雲慈谿人

光緒

孫德祖曰縵雲才氣蓋一時年騷縱酒中年僅登薦旋及嘗校刻姜西溟全集未斷手又欲刻其師張麟淵遺詩亦不果縵以爲恨云

甬上寓齋卽事

移蕉種竹費經營幾日空庭布置成
小住何須爲久計客遊偏自有閒情
不刪弱草憐微植好護寒枝待晚榮
卻恐故園猿鶴笑誰教花木負柴荆

晏起卽事

山深遲見日已聽晝雞啼
小閣花三面荒庭菜一畦
客來常不速詩就每無題
閒散眞吾分沈吟願總迷

將之江陰別楊六兄

逢孫

兩月還鄉客勞勞更遠行
艱難成此別去住孰爲情
孤苦無

兄弟顛危仗友生高堂扶病送哽噎問歸程

三代交情重平生氣誼真暫時共晨夕揮手又風塵敢以斐
孥累由來骨肉親不關兒女意感激自沾巾

達蓬山懷古

香爐石筍峙嶙峋百折峰巒到海濱弱水三千應有路長城
萬里竟亾秦洞天竊窕靈巖秀峭壁巉巖佛跣新獨立秋風
憑弔裏茫茫何處是仙津

苦雨歎

兩月不雨民生急一雨十日農夫憂不雨自是龍神懶久雨
翻使天公愁陰霾暗慘積空谷山風五月寒於秋農家有田
不得種種者又復漂洪流前年米價常苦賤糶新不敵工食
半今年久雨米卻貴舊穀已盡空嗟惋傳聞福州遭水變一

夜淹死民數萬北來消息方苦旱祈雨

憂勤動

宵旰南北雨旱胡不均此邦亦復多流民民果何罪天何忍
天心豈不憐蒼生亦旣苦旱又苦雨豈其數定天莫爭野田
水與禾苗平前日望雨今望晴

秋感

斜日平原雁影高四山落木晚蕭蕭吟成秋興詩才薄醉倚
西風酒力消病葉經霜先委地寒塘無水不通潮空憐松菊
長荒廢獨掩柴扉慰寂寥

暮色

暮色黯荆扉秋風吹我衣野花何寂寂斜日尚依依遠路冥
鴻去空山獨鳥歸故園寒信早已覺寸心違

秋夜待曉

羣雞正亂鳴孤客坐殘更萬籟此時集高樓獨夜清燭消窗
送曙風急鳥曉晴豈但歸期遠連宵夢不成

陸以增

字介卿錢塘人
光緒己丑舉人

鄒在寅曰介卿少孤孝母喜研經學己丑以經解爲
制藝獲薦北上春官薦而未售南歸後染時疫遽歿

題勸振鐵淚圖後

盈背血模胡掩卷不忍讀大錯鑄六州彼蒼一何酷每交北
方友藉諗北方俗生不識綺羅味豈知梁肉比年劇寇盜江
淮被荼毒頗羨北方安殆由北人樸塗炭此甫離衽席彼變
局蘊隆天熾熾四野草無綠翹首蒼狗雲隨風去何速質婦
復鸞兒徹天只聞哭莽莽少人烟十家九不足深夜鬼啾啾
如訴飢腸輓此灾非尋常甚于受屠戮意匠結苦心揮涕寫

幅幅解囊毋或慳一納數日粥集腋倘成裘旋乾動私祝觀
圖鐵漢悲欲言額先蹙觚篳置通衢裝潢分卷軸殷鑒幸不
遠願積社倉穀天心不可知莫恃今年熟一爲圖中人魂夢
枉穀疎

俞秉炎

字靜軒錢增人
光緒己丑舉人

西湖櫂歌

半彎月子送蘭橈隔岸湖煙淡未消爲約三潭采蕪去移船
重過鎖瀾橋

荀香擁髻芰爲裳小鏡青荷鬪靚妝涼露未消休打槳裏湖
恐有睡鴛鴦

凌和鈞

號衡甫嘉興人光緒庚寅進士官工部主事

岳武穆王銅爵

古爵斑斕高寸五文字鬱律蛟龍舞云是嘉泰四年造相臺
後裔祀忠武忠武祠宇松柏蒼金牛湖畔金陀坊生恐精魂
招不得卻鑄彝器薦椒漿馨香上達爲王侑王欲下咽眉蹙
皺若教痛飲抵黃龍何用款字精忠籀生氣旁魄物與傳塵
劫受磨五百年商尊陪擊魯壺碎神靈呵護非偶然吁嗟乎
秦張當年漏鉄鉞麥飯濁酒春秋闕子孫豈少不祥金徒供
當官鑄佞骨

錢武肅王鐵塔

南人佞佛多浮圖負土運石成棱觚錢王東南作保障建塔
不忍勞民夫易之以鐵施鬼斧紛紛八萬四千數試問此鐵
從何來乃祖射潮著神武捍海塘成潮亦平三千強弩空鏃
鐙勿效祖龍鑄鐘鐻撥去鐵花鎔其精三層燒出陰陽炭高

準一尺不及半幾多寶相自瓏玲翻使金剛變鐵漢君不見
浙水東西四十州戈矛劒戟無時休未識當年誰鑄錯豆分
瓜剖缺金甌區區寸鐵何足奇不如賜券光門楣惟有永鎮
鐵山頂援筆補入鐵佛碑

鍾乃彬

字又梅仁
和諸生

驛柳

無定陰晴二月天短長亭畔綠堪憐陽關調迴離愁綰灞岸
寒輕舊夢牽春雨平疇迷酒旆夕陽古道拂歸鞭憑君寄語
天涯客芳艸王孫又一年

鍾

鈺

字式承海甯廩生
著西雅樓稿二卷

緝雅堂詩話鍾生好學能文篤于朋友余試海昌日經
史諸作皆凄然可觀竹荷五古二首尤有深致甫波頸
采旋遭父憂扶喪歸來復以飢驅出游竟爾溺死情事
傷慘同輩駭惜遺詩數章亟為登錄零珪碎璧倍益予

悲

送節閭南歸用文道義元韻

夜寒虎氣射爍戟舟行巨浪無牂牁風塵頓洞醒南柯有客
告我兮坡坨淋漓大筆書摩那人情叵測感慨多吾道干城
當肩荷讀書亦豈重甲科丈夫志氣立斗獻文章彪炳佩玉
璫王道蕩蕩無偏頗東南邊事終蹉跎漢家竟與匈奴和交
趾以南海不波要荒畢服鼓鳴鼉少縱卽逝驚電過爭觀竊
語誰能訶用蘇句先生織字得龍梭批鱗直上語必苛忠貞心
篤安可讎沂渭名源故田莎鷺鳥謬謬人所歌參差吹微懷
湘娥良金難與披泥沙回天氣可吞山河風捲浪飛白如鷺
崖岸自高立岷嶓叔子遺烈想玉珂豈能喬松附女蘿庭中
自生三本木魯陽落日方揮戈百萬生靈蘇札瘡況復承平

歌和蘿自公退食正委蛇杯浮滄海魚龍呵劒倚天外何坎
坷異書默識遺蒿莪奇義披矇辨怪譌獨立檜樾不嫌銜具
有膽力降羣魔大才槃槃足觀摩饒眼儉腹不可哦吾儕道
義相切劘往往抵掌論炙輶人生由命非由佗用韓句今日無
故遭讒囹頓令波濤走行窠問誰有藥卻百疴培補元氣及
細麼炊桐知己撫婆娑祖別感懷長樂坡我更前路歎河沙
莽莽乾坤多嬾嬰守道豈惜嬰禍羅日輪金湧大海渦焯爍
光燄橫秋陂培風九萬容措磨未用息影居巖阿釣璜聊且
披漁蓑鷹揚虎視君如何

哭張延秋先生鼎華二首

北地傳凶問西風慘別顏斯人不可作吾道與誰攀慧業生
天早孤蹤入世還招魂我能賦感舊淚頻潸

同人在越王臺下築感舊園

時祭

綺歲兆三公

先生五歲客有以兩儀生四象屬對應經師許聲曰五嶽視三公人皆異之謂必顯貴

聖童

館選歸里陳蘭甫先生贈聯云昔日聖童今顯貴家風詩伯後繩承名真喧日下酒已醒

城東

將歿自言轉世東城某家蕭寺霜風裏設奠光孝寺荒亭夕照中

葬陶然亭下

紅螺有遺集

密雲客居曰紅螺山房

珍重檢書叢

王厚堃

字瘦石秀水人

耘庵詩話瘦石精繪事尤善山水詩亦清新拔俗

題畫

水晶簾捲雨如絲
悶綠慵紅總未知
燕子不來春又半
東風

無力杏花遲

周康保

字少丞歸安增生箸蘋香館詩存

子城懷古

孤城地本屬西楚蔓草離離舊軍府西風怒作大王雄尚說
秦必三戶威加六國關雄疆衣錦猶聞戀故鄉此地何如
漢豐沛蒼涼廢壘空斜陽更有城西走馬埒弁峯嶧岬留遺
蹟虞兮虞兮奈若何妝臺亦復散荆棘過江子弟八千人縱
橫未必無豪英至今吹出城頭角猶帶暗鳴叱咤聲拔山舉
鼎有本紀英雄轉戰今何處女牆零落夜烏嘯到此低徊不
能去

茗溪雜詠

王孫遺宅已成塵銀杏摧殘又幾春夜半鷗波亭下泊丹青
猶說管夫人

孤城北望是歸雲日暮鐘聲上界聞一自挂瓢人去後空勞
文士弔斜曛

芳草萋萋二月天踏青曾上峴山巔石蒲齋字多零落猶自
碑同墮淚傳

春寒

簾幙沈沈慣下鉤養花何事替花愁嫩含杏雨香猶斂凍掩
梨雲滯不流漫訝陽和遲陌上都緣料峭怯樓頭來朝拂面
東風煖更祝春光特地留

古琴

泠泠彈到七絃琴寫出山虛與水深猶有篆文摹舊款不須
塵世覓知音千秋慣作高人伴一曲如傳太古心玉軫瑤徽
半零落枯桐誰向爨餘尋

古劍

豐城氣尙鬱嵯峨照眼寒光耀太阿挂壁尙能驚鬼魅衝波

曾記斫蛟鼉解時慢論千金直拂處翻勞十載磨豈是沈沙
同折戟斑斑剝蝕薛痕多

蔡和霽

字滌峯號月生鄞人

董浦曰月笙幼慧能作鐘鼎文兼工花卉詩詞亦清雅年十九遽卒秀而不實殊可惜也

俞烈女行

并序

烈女名采玉慈谿俞人賢季女也避亂居白蘆嶺王
戊秋賊至欲掠之去不從怒加以刃引領無懼色女
遂遇害時年十有七其家藁葬之旣野祭者不戒於
火燎其櫬里人掩以藁裡賊平有司陳請以烈女

旌表光緒戊子慈人士爲改葬焉

千古艱難惟一死巾幘鬚眉盡如此可憐隻手扶綱常乃在
纖纖弱女子昔年兵禍翻鱷波娥江咫尺馳金戈城郭蕭條

少人迹桃源何處趨山阿前家有女少貞靜隨父來居白巖
嶺連天烽火益披猖林深風鶴猶相警嗚呼烈女性何烈忍
死不甘受污穢延頸從容飲霜刃玉容濺滿猩紅血無何祝
融烈燄張白骨灰燼煙飛揚霜淒露慟慟行路釀金治櫛與
醕漿吁嗟乎蓬門笄女凜名節合荷

恩綸光綽楔千載芳名青簡留慈水清清共瑩潔

陳兆峯

字式堂
鄞人
著雪塘集

夏日灌頂道中作

草間輕寒五月天數聲曉鳥落坡前茶煙繚繞時縈目筍籜
參差欲及肩破寺無人藤上屋荒畦有澗水歸田伊誰長使
雲關住缺處還教匹練懸

周茂榕

字治城
海貢生

秋懷

商飈颯然至哀響厲中夜晨起覽物華徙倚東籬下叢菊有
傲骨不逐桃李嫁耐冷守常堅迎喧歡易罷弱質不自扶難
免先時謝珍重老農心力田實秋稼

枯枝墮敗葉難爲疲客聽何必斷耳根坐學禪心定舒懷破
蕭瑟觸緒妙於應絲竹奏滿堂一擊揚玉磬戛然止繁聲清
勁氣能勝

偕同人重遊瑞巖

不知秋已深引步入幽邃十里野色寒四抱山容斂松聲雜
泉聲虛谷答遙吹落葉下如雨霏霏滴殘翠老樹無新香幾
簇疏花媚清我醉後魂欲向塵埃蛺蝶陽在林際一瞥忽飄
墜

路窮出崇宇，維僧迎道旁。導我寺門入，曲轉巡虛廊。更轉更清曠，落影山蒼蒼。殿宇浸寒綠，森然竹柏光。揭幢禮古佛，進造方丈堂。石級數層上，活雲流古香。日落梵唄靜，眾散鸞鶴翔。僧房東西開，客至炊茶鐺。一甌迭相餉，欲索新詩償。

候濤山觀日出

天雞喔喔曉晴空，佛樓僧起打曙鐘。喚我披衣觀日出，絕頂孤立金鼇峰。斯時昏曉猶未割，上下雲逐寒濤衝。疾呼雲中君，入水鞭蠲龍。忽露一綫破黢黯，四山激射朝霞紅。無定寶相倏明滅，隱隱海鏡磨青銅。俄驚流金鑠石光，熊熊玻璃作響。海水沸火輪，捧出天之東。驂飛颿兮，刺長虹。翠旂絳節紛扈從，一躍幾千百萬丈。晶光照耀金銀宮，習聞伊耆內日在。所谷遶地地遶二語難發蒙，我生寄居濱東海，藉口此水乃。

與西極通樽桑高臥浴圓影何不萬里求其蹤
逝將手拔夸父杖魯陽戈后羿弓迅迫羲御爭
英雄淩波踏碎紅芙蓉仰天自失笑伏處如沙
蟲駕橋鞭石無能爾但見曜靈赫赫施施懸碧
穹秦岱日觀未得到快哉奇觀今始逢撐起珊
瑚入百尺拍手大叫驚天公寒風吹我衣飛光盪
我胸六螭既升人事動俯視萬竈曉煙青濛濛

范邦銓

鎮海人

董沛曰范生九歲能詩十一歲徧讀九經十二歲遽卒殊可惜也

秋興

秋到名園草未凋佳期惟有嫩涼招
碧波無際漁舟集明月初來雁陣遙
江上青山看隱隱澗中流水去迢迢
欲尋苔迹迷無路閒趁西風過小橋

王繼穀

字子詒會稽人郡諸

甯波府知府宗源榦詳文據鄞縣知縣陳鍾英詳稱光緒六年六月十五日准卑縣儒學教諭馮淦訓導沈有林移開據紳士陳勸江鏡清張善仿王寶善郭傳璞陳熙績呂慶熊毛琅劉鳳章范邦衡等聯名稟稱原任鄞縣教諭王英潤之子繼穀係紹興府學生員隨任鄞學光緒五年因父病屢禱於神欲以身代年六月父病復遭疾竟殞身以代而母病復痊當去年六月父病復躬侍湯藥至廢寢食徧禱城隍等神父病小瘳尋又劇逐殛痛不欲生勉從其兄繼居治喪如禮及扶柩歸里值嚴寒風雪營葬未成欲廬居以守而以母病留甯因來侍疾今春兄歸越營窆卜宅將迎父母以歸而母復劇生感噩夢神志沮喪自念前欲代父恨不即死償母又垂危悔將何及且慮兄返而不得行其志也於四月初五日潛赴甯波府城內月湖以死是夜家人驚覓不得及旦見案中神色如生冠履整潔從其遺所屬亭前屹立水中神色如生冠履整潔從其遺所屬斂之迨兄奔赴至甯波府城內月湖以死是夜家人驚覓其處心積慮已非一朝而其母驟遭此變咸謂病當益劇乃痛悼之餘病旋若失是殆至孝所感有以致此竊念該生至行獨完此心無憾欲提桑榆之景可資觀感人豈同構寶之經致譏小節百行以孝為先足資觀感庭子惟親為寶奚戀身名職等或近儀館舍或陪侍鯉庭

聞見訛真不忍聽其湮沒稱名造具事實冊結稟學

旌表

卑學查看得已故生員王繼穀至性過人舍生代母初因父疾久嬰幾次精神而泣血繼為母病復作毅然請代而捐身兄弟則友恭克盡門內無間言交游則道義相規邦人皆樂道如斯至行不愧完人洵足勵薄俗流風自合邀

盛朝

旌典為此出具印信照造事實清冊移送等由過縣准此卑職伏查會稽縣孝子王繼穀因母病篤殫身請代但冀克延夫慈齡不遑自惜其生命代母卽以殉父信至性之能完捐軀卒以全親非畸行之可比定例貞節孝烈均邀

旌典

凡封股療親奇孝堪徵者悉荷特恩旌表今該孝子王繼穀捐軀代母尤為奇孝可否

奏請

旌表

以闡幽光而振風化理合加結詳請察轉請

奏

等情據此卑府竊惟盡孝本為薄海所共曉而眾人所不為者一人獨為之斯卓絕而難能令甲不設奇格以勸人然舉世所絕無者一旦竟有之則

旌揚

所心及孝子紹興府學主員王繼穀隨侍其父在鄞縣學署有年平日孝行無聞人言禱天代父早擬至誠之感神侍疾驚心不惜捐軀以全母至誠所注身命蔑如卑府以近在同城體訪確實讀其書疏無非血淚一死能延親壽豈同滅性輕生致身無聞君親何異成仁取

義且烈婦殉夫之舉尙荷

朝旌

割股和藥之爲亦邀

能竭之力特忍聽湮沈表一不知有身之孝子愈以勵未

造事實清冊加具印結備文具詳仰祈憲臺察核俯念

旌表

奏破格

至性奇孝少二寡雙俯賜特

戶部郎中李慈銘兵部主事潘通翰林院編修鮑臨吳

講吳呈竊見紹興府學附生王繼毅爲故鄞縣教諭臨吳

英瀾感習疾繼毅屢禱於郡城隍廟及呂祖祠請以身

代英瀾感習疾繼毅屢禱於郡城隍廟及呂祖祠請以身

以英瀾感習疾繼毅屢禱於郡城隍廟及呂祖祠請以身

非夢父云母算將盡奈何俞氏益孝謹偶私語兄繼香曰

歸越營葬繼毅留甬上侍疾復以疏禱神求代其畧云

去秋父病由志行未堅致精誠莫達今母病日亟兄又

未歸力竭計窮淚枯腸裂若僅憑辭願禱恐難感格神

明判股割肝不免傷殘支體惟似續宗祧已延弱息名利固

至於晨昏侍奉尙有諸昆似續宗祧已延弱息名利固

非本懷毀譽在所不計云云詞甚切至既而聞兄將返

喜曰奉母有人矣四月初五日更衣辭母以兩札分遺

兄弟而自投於月湖水中時年二十有九職等伏念紹

興府學附生王繼毅內行精脩天情純摯始則以黃香

聖朝

溫綸

司斤國下置長

卷之二

王繼設

三

之勇莫救父危繼則以蕭獻之祈冀痊母病籲天無
懷石自沈昔屈子汨羅之殉徒殞其身曹娥越水之
同歸於盡此則孤兒死孝慈母延年誠既通於神明
有捷於影響我
心以守身為大凡奇節不旌然如王繼設者臨命從容操
之舉減子之算益親之算神人共鑒其心事母有人從
父有人存歿均彌其憾情原非矯孝不嫌愚職等誼屬
同鄉見聞真確為此仰懇都堂見善不遺據情入告布
於下里慰哀慕於重陰庶幾鄙薄聞風人人有春露秋
霜之戀英靈不滅世世隨芝蘭玉樹而生儻荷表揚實為德便謹呈
刑科給事中樓譽普奏疏任所英瀾嬰疾醫藥罔效繼
侍其父勤事樓樓諭王英瀾任所英瀾嬰疾醫藥罔效繼
穀疏禱於神請減己壽以益父果稍瘥既而父疾又劇
繼穀禱如初然父竟不起繼穀捨地號勵曰神不許我
由我不身先之也繼穀冒雨出歸家家人徧索不得繼
母果漸愈一日繼穀立鄞之月湖水中服皆整顏色如
見有素衣冠者繼穀也時光緒六年四月初五日年二十
九歲繼穀之將出也其更衣辭母神色間暇遺兩牘於几
一訣其兄繼香一屬其幼弟繼業言侍奉吾母有人此
行甚樂勸母勿悲深自引罪並規畫附身事井井其悽
慨而從容也如此嗣檢字紙籠得其禱神疏稿內有父

疾乞以身代良由志行未堅以致情祇莫達今母抱病
日亟若僅憑辭籲禱恐仍難感格神明曷苦接汨羅之
蹇削兒紀筭續母桑榆云云乃知繼穀非特周父蓋代
母也昔王哀以痛父罹殃晉史列之孝友張敷以毀哀
頌命宋代表其里門今王繼穀孝思誠篤視死如歸其
奇行較哀與敷為尤難仰想

恩賜旌揚出自逾格

鴻慈俾表異常純孝謹
奏光緒七年四月二十九日軍機大臣面奉

諭旨給事中樓譽普請將孝子等旌表各摺片浙江會稽縣
生員王繼穀准
其旌表欽此

緝雅堂詩話孝子碑文陶君方琦撰墓銘馬君唐良撰
潘文勤公又為祠記以表之一時學士文人誄詞挽款
不可勝紀其兄子獻編修哀為一集名曰愍孝錄此事
予於鄉黨達於
朝廷布於四海人心所同理固如是歟茲編首登西史賢
君篇末以孝子詩為殿忠孝一原政教無二此余采風
之本志亦陳
詩之大義也

先嫂孫烈婦詩

一死百無累慨然隨所天
嚴蔽和血化鐵石鍊心堅
兩字足

千古九京偕百年遙知高祖母提挈向重泉

夫死竟無兒重之失怙悲三從長已矣九死更何辭絕粒乃
全受盡倫非炫奇可憐廿七日籌畫已多時

嫂殉節距兄歿纔二十七日

過青藤書屋

風雨來尋處士廬林泉餘韻近何如天池影落人何在石像
苔封望轉虛夜月詩靈依舊宅滄桑賈客託新居櫻桃梯葉
都零落一樹藤陰劫火餘

幕府風流憶昔年飄零萬里走幽燕文章末路供歌哭身世
多憂託醉顛白鹿高文空海內青藤秋色尙池邊賈生未必
眞寥落太息奇才不自憐

兩浙輶軒續錄卷五十